



H 1266/A

PILARINO, G.

Strong Room (Special Coll.)


















13. 2  
NOVA ET TUTA  
VARIOLAS

Excitandi per Transplan-  
tationem Methodus;

Nuper inventa & in usum  
tracta:

*Qua ritè peracta, immunia in po-  
sterum præservantur ab hujus-  
modi contagio Corpora.*



VENETIIS, MDCCXV.

Apud Jo. Gabrielem Hertz.

*Superiorum Permissu.*

315787



# LECTORI

## BENEVOLO.

**N**on ambigo , quin  
rei novitate mo-  
tus faciem ad stu-  
porem contorqueas , fortas-  
sè & animum ad contem-  
ptum convertas : Sed quis-  
quis es , accuratè prius , pa-  
catoque animo rem totam  
confidera , Prudentis enim  
est in censuras statim & mor-  
sus non irrumpere : Noli  
primo aspectu damnare ,  
quod in recessu invitum ad  
sui laudes tè trahet : Bre-




vissimis hisce cancellulis ar-  
canum clauditur non con-  
temnendum ; & sævissimi  
Morbi *ἀντίπαλον* . Verùm  
tanquàm muliebre , vel su-  
perstitiosum commentum  
despicias fortè ac irridebis :  
Fateor, me quoque initio  
huiusmodi phantasmate de-  
ceptum ; sed ratione ipsa-  
que experientia victus , de-  
pulsà omni hæsitantia in ad-  
mirationem deveni non pœ-  
nitendam: Experientiæ enim  
quàm bellè respondet hęc  
theoria ! Phisicum non relu-  
ctatur raciocinium ; favet  
non repugnat Anatomica  
demonstratio; comprobat e-  
ven-

ventus: nihil ergo, quod re-  
darguas, habes: At per tot  
retro transactos annos nemi-  
ni cognitum paradoxon hoc  
suspicionem incutit. Ità est:  
Tempora haud omnes simul  
& semel suos enituntur fœ-  
tus; Per statutas ætates pa-  
riunt dantque in lucem: Sin-  
gulis sæculis æquissima di-  
stributrix illa Divina Mens  
sua tradidit specimina: Sed  
dices iterum; ab illitteratis  
& planè rudibus portentum  
hoc fluxisse; Esto: Verùm  
& Medicinam totam quan-  
ta est, (haud ignoras), hu-  
jusmodi principiis initium  
sumpsisse suum. Quid mul-



tis opus? Experientiam con-  
fule; non poenitebit. Cæte-  
rùm scias me non captandæ  
gloriolæ gratia; sed com-  
munis utilitatis desiderio &  
caussa Orbi Litterario opera-  
tionem hanc publicam fa-  
cere, omnibusque notam  
reddere. Vale.



*Illustriss. Præclariss. atque Erudi-  
tissimo Viro*

WILHELMO SERHAD ,

Dignissimo pro Inclyta Natio-  
ne Britannica nunc Smyr-  
nis Consuli &c.

*Amico & Patrono semper Colendiss.*

JACOBUS PYLARINUS.

**Q**uod non unica Episto-  
la sæpius à me expeti-  
sti , Vir Præclarissi-  
me , Amice inter  
A 4 præ-

præcipuos honorande, Illustriss.  
pro celeberrima Natione Bri-  
tannica Smyrnarum Consul ,  
jam accipe pusillum Schedias-  
ma , in quo breviter Nova  
Variolas excitandi per Trans-  
plantationem Methodus tra-  
ditur, doceturque. Opusculum  
mole quidem parvulum; pre-  
tio verò eximium; humano ge-  
neri perutile. Jam diù inter  
meas cartulas jacuit incuria  
& oblivione sepultum; jace-  
retque adhuc; ni tuis stimulis  
illud à perennitate Veterni su-  
stuliffem: quod aliquantillum  
dolatum, tibi jam non solum  
mitto; sed in amoris specimen,  
in veræ amicitiae tesseram ob-  
fe-

fero, Nominique tuo dedico :  
Hilari Tū vultu & amico cor-  
de munusculum suscipe ; &  
quanti tē aestimem , facile ex  
hac animi mei proclivitate  
conjicere poteris : At quare te  
non magni facerem ; Cū ,  
omissis ceteris quibus ornaris ,  
dotibus ; saltem in Botanicis  
insignem hodiē Virum tē ad-  
miramur atque doctissimum ;  
nemini secundum , verē inter  
omnes primum dixerim : Per-  
spicacissimum quoque in re Au-  
tiquaria & Eruditissimum ,  
ut in hac nulli cedas , cunctos  
ferē antecellas : Nolo de Poly-  
tico regimine , quod prudenter  
ac honorificē in pręgravi Con-

*fulari exerces Ministerio, ulterius dicere ; nam laudes , quamvis majores tibi debeantur , tua modestia non patitur . Satis fuerit silentio tradere , quæ aliàs ut adulatoria censeri possent . Interim perge me amare ; ut ipse te colere non desinam . Vale ; & felix votis meis vivo .*

Ope-



**O**perationem Medicam inventum non minus , quàm eventum mirandam Orbi literario pandimus ; Non à Phisicæ cultoribus , aut à doctis in Apollinea arte viris , sed à plebea rudique gente in humani generis adiumentum , in sævissimi morbi solamen detectam : Vetustis Scholarum Lucubrationibus , sedulis Recentiorum investigationibus ignotam ; sed quæ ex innocentioris , & ἀφελοςόφου . familiæ penum deffluxit . Verus ignoratur ejus adinventor : in Græcia tamen , precisè in Thessalia primò inva-

laiffe certiffimum eft; hinc  
 in propinqua fucceffivè fer-  
 pendo loca & civitates, in  
 Byzantinam tandem irre-  
 pfit urbem; ubi latuit qui-  
 dem initiò per aliquot an-  
 nos, rarò quoque, & inter  
 humiliores dumtaxat rece-  
 pta: Immaniter autem graf-  
 fante nuper Variolarum epi-  
 demia, latiùs innotefcere cæ-  
 pit; Numquam tamen fu-  
 blimiores aufa eft ingredi  
 aulas; donec Nobilis quidam  
 nec obfcurus inter præftan-  
 tiores Græcos, & ex antiquo  
 Cariophylorum ftipite cla-  
 rus, mihi verò intimiori a-  
 micitiæ titulo notus anno fa-  
 lu-

lutis 1701. sub hyemis finem feriosè mè quidnam de hac infectione sentirem, consuluit; Et an ad eandem in quattuor propriis filiis celebrandam præstarem assensum: Nam tùm temporis lethaliter totam ferè civitatem morbus hic invaserat; Qui summum ei de natorum salute metum incutiendo, anxium valdè reddiderat. Verùm quid ipse super ignota rē decernerem, nulla præcedente novissimæ huiusce methodi notitia, penitus ignorare mè dixi; ac simul Operatoris conveniendi copiam petii. Triduo peracto,

acto, cum ad amicum de-  
 nuò accessissem, & de eadem  
 materia sermo iteratò inter  
 nos esset initus; Ecce paulò  
 post Mulier Græca ad decen-  
 tiam satis composita cubicu-  
 lum intravit; quæ totam ope-  
 rationis seriem, modum, lo-  
 cum, tempus, cæterasque cir-  
 cumstantias, ut ego deinceps  
 aperiam, clarè satis latèque  
 nobis exposuit; Quamquàm  
 ipsa veram ex insitione exci-  
 tationis Variolarum caus-  
 sam haud intellexerit: His  
 experimenta, & casus innu-  
 meros tutò semper, & ad sa-  
 lutarem eventum perductos  
 annexit; e quibus aliquot  
 (om-

(omnes enim quis potuisset in urbe amplissima exquirere?) Verissimos esse ex assertoribus fide dignis deprehendi: Idcirco re bene pensitata, rationi, & naturæ haud absconam omnino comperi: presertim autem casibus jam dictis permotus Amico jam fervidius post aliquot Dies consilium iterum expetenti, me haud alienum, sub levi tamen hæsitantia præbui; Quà, tamquam dato assensu, arrepta, & de servando regimine toto ægrotationis tempore satis edoctus, insitio- nem per mulierem Græcam in quatuor filiis audacter in-  
sti-



stituit : quorum tres natu-  
 minores ( quinquennes, &  
 vixseptennes ) leviter ægro-  
 tarunt ; Paucisque apparen-  
 tibus pustulis post hebdo-  
 madam febre penitus, & pe-  
 riculo evaserunt : Ætate ve-  
 rò major octavum super de-  
 cimum agens annum, gra-  
 viter decubuit ; Nam conti-  
 nenti febre, & malignante  
 correptus, superveniente dif-  
 ficilium symptomatum syn-  
 drome, plusculisque quam-  
 quàm non copiosis exanthe-  
 matibus obrutus, vix post  
 decimum quartum diem,  
 morbum elusit : Quod ego  
 atrabilari ejus temperamen-  
 to,

to, succisq̃ue pravis , ut & neglectæ prius ( contrà datam admonitionem ) corporis expiationi tribuendum velim . Felix operationis eventus, mirum quam multas nobiliorum familias ad imitationem traxit ; Ut hodie sine hæsitantia , præter timidiusculos aliquos , unusquisque transplantationis emolumentum sentire velit : Soli Turcæ utpote fati decretis addicti minusque dociles hanc neglexerunt hucusque .

Naturalis est penitùs hæc Operatio , nulloque obducta superstitionis fūco ; quamvis ipsum Transplantationis

nis

nis Nomen prima facie hæ-  
 sitantiam pariat: Differt to-  
 to Cœlo à Curationibus  
 Sympatheticis; eò magis à  
 Magnetismo illo transplan-  
 tatorio, per quem Morbi ex  
 uno subiecto ( mediante ima-  
 ginaria quadam, gratis effi-  
 cta, & imperceptibili Mu-  
 mia ) in aliud traduci di-  
 cuntur; qua de re Tenzelius,  
 Bartholinus, Maxuellus,  
 Etmullerus, alique ex Re-  
 centioribus, docti aliàs Vi-  
 ri, agunt sedulò; Qui vetu-  
 stas Antiquorum in Medi-  
 cina quisquiliis expurgan-  
 das esse cum jaëtitent; in-  
 ter quisquiliis ipsi quan-  
 do-

doque se volutant; novissima vanitatis amurca Venerandam hactenus purissimamque Scientiam deturpantes: Quare, ut verum fatear, quemadmodum Operationes hæ Magneticæ, vel Sympatheticæ superstitiosæ vanitatis suspicione non carent (ut in Unguento Armario, Pulvere sympathetico, & similibus), utpotè extractivitatis sphæram in distans agentes; ità Variolarum Transplantatio, vera, mera, pura Physica est; quia puris mediis Physicis, & ad Oculum patentibus, nec non ipso sensibili contactu comple-

pletur; ut è mox dicendis  
clariùs elucescet.

Huiusmodi igitur Variolarum excitatio fit per Metaphoricè sic dictam insitionem, sive Transplantationem, Quæ nihil aliud est, quàm fermenti morbifici seu puris ex Variolis extracti in corpus sanum per vulnuscule ad hoc facta, insertio.

Physicus excitationis modus hoc pacto succedit. Intrusum in vulnuscule pus veri fermenti suscipit indolem; Hinc beneficio circulationis per vasa & canales proprios ad sanguinis massam delatum, dispositas ad  
hoc



hoc particulas, & delitescen-  
 te vitio turgidas statim ag-  
 greditur, inficit, venenum-  
 que communicando latitans  
 in illis seminarium ferment-  
 ativum excitat, agitat, a-  
 ctuat, inque motum cit ;  
 Unde ebullitio universalis,  
 seu fermentatio oritur ; Vi  
 cuius impuriore, & hetero-  
 geneæ partes separatæ criticè  
 protruduntur ad cutem ;  
 natura interim placidè vir-  
 tute talis operationis totum  
 opus moderante.

Sed ad Transplantatio-  
 nem ipsam, & ejus celebra-  
 dæ formam properandum ;  
 Modum quò eadem mulier  
 Tran-

Transplantatrix tutissimè operabatur, fideliter describendo, ordinem, cæteraque omnia; ex quibus regula quedam institui poterit pro operatione hac obeunda. Cæterùm quamvis de omnibus oculatus Testis, ut ingenuè fatear, esse non possim; Ex operatricis tamen ore multa, plurà ex fidei relatione transumpsi; plurima, & potiora ipsemet observavi; ommitto quæ ad majorem confirmationem universalis fama canit. Quibus omnibus præstandam esse fidem candidè, ac strenuè assevero.

Er-

Ergo primò tempus ad celebrandam infitionem opportunum feligendum est ; Quod secundùm operatricem hybernum desideratur ; & non nisi tali tempore ipsa infitionem instituebat : Verum ego pariter idoneum crediderim, propter clementiorem aeris temperiem .

Secundò selectissimum adhibet fermentum ; Pus scilicèt inferendum non ex quolibet subiecto recipit ; sed Variolis epidemicè grassantibus, e pustulis jam maturis decumbentis alicujus pueruli alias *εισάπυς*, hisque benignis punctione illud extracta-

trahit exprimitque ; & in  
 conculam aliquam vel vi-  
 treum vasculum mundissi-  
 mum, nec nimis actu frigi-  
 dum reponit reconditque ;  
 quod Vasculum bene sar-  
 tum tectum in pedissequi si-  
 num fovendum intrudit ;  
 mox sine mora ad operatio-  
 nem properat : Pus ex insi-  
 titiis rejicit , ut inefficax .  
 quod tamen ego benignioris  
 indolis nec minoris interim  
 energiæ fecerim : qua in re  
 experientia consulenda .

Tertiò temperatissimum  
 vult patientis inhabitandum  
 cubiculum quoad aeris mo-  
 dificationes.

Quar-



Quartò ad operationem  
 jam celebrandam accedens  
 mulier, frontem in confinio  
 capillorum, & quidem me-  
 dio in loco; mentum &  
 utrasque genas acu ferrea vel  
 aurea pungit; non rectà,  
 sed obliquè impingendo,  
 cutemque acuta cuspidè à  
 subiecta carne aliquantil-  
 lùm separando; hinc eadem  
 acupus iam præparatum in  
 vulnusculem instillat è va-  
 sculo, intruditque; superin-  
 ducta per fasciam ligatura:  
 Manus item ambas in me-  
 tacarpis, pedes in metatarsis  
 eodem modo ferit, pusque  
 inserit, fasciæque leniter

B

strin-

stringit; seriosè imponende  
 patienti, ne partes illas scal-  
 pat madefaciatve . Potiùs  
 carnosiora pungerem loca ,  
 quatenus inflammationibus  
 dolorique minus obnoxia ,  
 nec tendinibus intertexta .

Præter hanc operandi for-  
 mam cæteri omnes reiiciun-  
 tur modi, utpotè absconi ,  
 inusitati, malè succedentes,  
 infelicisque exitus.

Interim lectulo modera-  
 tè manendum, neque plus  
 quàm opus fuerit jacendum .

Quintò bonum in sex re-  
 bus non naturalibus regi-  
 men, præcipue in victù, in-  
 iungit ; Non solum enim

vino, & carnibus, verum etiam earumdem jussulo rigorosè patientes ad quadragimum diem interdicit : Pluribusque monitum non curantibus sæpius malè successit; nam ad oculos, poena erroris, novas erupisse pustulas, aliaque non parvi discriminis symptomata supervenisse visum est.

Sic ritè peracta transplantatione, non omnibus eodem temporis intervallo suscitari solent variolarum symptomata; Variè enim fermentum agit; serius vel citius, prout unicuique proprium favet temperamen-

tum, ætas, robur: Quamquam Variolæ ipsæ, in septimo ferè semper apparere incipiant; Qui dies vere criticus est; nec defuere, quod rarò contingere solet, quibus statim prima die effluerint.

Symptomata ægrotantibus evenientia variant secundum temperamentorum diversitatem, succorum in massa sanguinea habitudinem, & particularem in singulis naturæ dispositionem: In miffiora nempe vel intensiora ingruunt, At communiter grassantibus non dissimilia; quamvis clementiori

ri

ri ut plurimum facie : Plures vix alterationem læsionemve sentiunt aliquam.

Excitatae Variolæ ferè semper sunt de genere Distinctarum; nec numero multæ; Decem ut plurimum, viginti, triginta, rarò ad centum rarissimè adducendum erunpunt.

Notandum primò nonnullos unicumtaxat vulnuscule ad brachium inflito contentos, excitasse variolas; paucisque apparentibus pustulis præservatos tamen imposterum fuisse à contagio.

Notandum secundò acci-



disse interdùm , ut ex insitione nullæ penitùs excitatę fuerint variolæ , vel ob non præ-existent nullam prosùs variolicam in corpore dispositionem , vel ob enervatum infriictumque fermenti contagium: At postea grassante populariter morbo correpta sint promiscuè ejusmodi corpora , jam insitionem passa ; communi cæterorum forte .

Tertiò insertionis loca seu vulnuscula in pustulas semper evadere solent : Quibusdam verò excrescunt in purulenta tubercula , nullis interim apparentibus pustulis ;

lis ; Nonnullis in appostemata quidem maiora degenerant magnam puris copiam effundentia : Non semel eadem loca , in pedibus præcipuè manibusque summo cum dolore intumescunt ; pureque effuso , subsident ; Iterumque intumorem attoluntur : quibusdam , rarissimè tamen , ad glandulosas partes , & emunctoria post aliquod tempus abscessus emergunt , ac suppurantur paulatim : lucente sic in diversiformi corporum crassi natura .

Postremò , nunquam ferè ex transplantatione hac  
fu-

funesti quid accidisse observatum fuit hactenus; etiam si in quocumque sexu, temperamento, ætate celebrata fuerit; quin immò, ritè recteque tractata, & in corporibus per peritum Medicum aptè præparatis, certissimam promittit salutem. Variolæ enim hoc modo excitatæ benignioris sunt indolis, quàm sint illæ, quæ populariter grassantur; Ut potè ex fermento, seu contagio, omni malignitate carente promotæ: Ebullitio, per quam massa sanguinis agitur ac totum opus perficitur, blandè non violenter,

ter , moderante natura ,  
 conamina sua molitur ; Sed  
 præter hec , tempus ad ope-  
 rationem atque anni tem-  
 pestas magis idonea pro  
 transplantatione ad libitum  
 eligi , ut & corpus infitioni  
 subiciendum congruis ad-  
 miniculis ad recipiendam  
 illam ex arte præparari dis-  
 ponique poterit ; Quod re-  
 vera maximi ad salutarem  
 faustumque morbi succes-  
 sum momenti censeretur de-  
 bet .

## F I N I S .

### *Errata sic Corrige .*

pag. 13	infectione	infitione
pag. 13	quattuor	quatuor
pag. 29	erunpunt	erumpunt

# NOI REFORMATORI Dello Studio di Padoa.

**H**Avendo veduto per la Fede di Revisione, & Approbatione del P. F. Tommaso Maria Gennari Inquisitore nel Libro intitolato: *Nova & tuta Variolas excitandi per Transplantationem methodus &c.* non v'esser cos' alcuna contro la Santa Fede Cattolica, & parimente per Attestato del Segretario Nostro; niente contro Principi & buoni costumi, concedemo Licenza à *Gabriel Hertz* Stampatore che possi esser stampato, osservando gl'ordini in materia di Stampe, & presentando le solite copie alle pubbliche Librarie di Venetia, & di Padoa.

Dat. li 10. Novembre 1715.

( Marin Zorzi Ref.

( Carlo Ruzzini K. Proc. Ref.

*Agostino Gadaldini Segr.*





# NOI REFORMATORI Dello Studio di Padoa.

**H**Avendo veduto per la Fede di Revisione, & Approbatione del P. F. Tommaso Maria Gennari Inquisitore nel Libro intitolato: *Nova & tuta Variolas excitandi per Transplantationem methodus &c.* non v'esser cos' alcuna contro la Santa Fede Cattolica, & parimente per Attestato del Segretario Nostro; niente contro Principi & buoni costumi, concedemo Licenza à *Gabriel Hertz* Stampatore che possi esser stampato, osservando gl'ordini in materia di Stampe, & presentando le solite copie alle pubbliche Librarie di Venetia, & di Padoa.

Dat. li 10. Novembre 1715.

( Marin Zorzi Ref.

( Carlo Ruzzini K. Proc. Ref.

(

*Agostino Gadaldini Segr.*





